

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 118. sjednici, održanoj dana 23.11.2017. godine, d o n o s i

ZAKLJUČAK

I.

Prihvata se izjašnjenje Ministarstva za prostorno uređenje, promet i komunikacije i zaštitu okoline, broj:12-1-34-13360-2-5/17 od 22.11.2017.godine dato po prijedlogu Grada Zenica-Službe za ekologiju, komunalne i inspeksijske poslove za Program rada Skupštine Zeničko-dobojskog kantona za 2018.godinu.

II.

Izjašnjenje Ministarstva za prostorno uređenje, promet i komunikacije i zaštitu okoline, iz tačke I. sastavni je dio ovog zaključka.

III.

Zaključak stupa na snagu danom donošenja.

PREMIJER

Broj: 02-_____/17.

Datum, 23.11.2017. godine

Z e n i c a

Miralem Galijašević

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Stručna služba Skupštine,

1x Služba za ekologiju, komunalne i inspeksijske poslove Grada Zenica, putem ministarstva,

1x a/a.



Broj:12-1-34-13360-2-5/17
Zenica, 22.11.2017.godine

ZENIČKO-DOBOJSKI KANTON
VLADA
Stručna služba Vlade

PREDMET: Izjašnjenje o prijedlogu Grada Zenica –Službe za ekologiju, komunalne i inspeksijske poslove za Program rada Skupštine za 2018.godinu –dostavlja se

U vezi Inicijative Grada Zenica –Službe za ekologiju, komunalne i inspeksijske poslove da se u Program rada Skupštine za 2018.godinu uvrsti donošenje Zakona o izmjenama i dopunama Zakona o komunalnim djelatnostima (*“Službene novine Zeničko-dobojskog kantona”, broj: 17/08*), tako što bi se u članu 27. stav (1) Zakona *“obezbjedile pretpostavke za ravnomjerniju distribuciju opterećenja subjekata /obveznika plaćanja komunalne naknade, te realnije tretiranje proizvodnih prostora”*.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da predmetna inicijativa nije osnovana iz slijedećih razloga:

U Poglavlju tri Zakona o komunalnim djelatnostima-Osnove i mjerila za utvrđivanje komunalne naknade u odredbama članova 24. do 30., propisan je način utvrđivanja komunalne naknade koji primjenjuju nadležne općinske službe na području Zeničko-dobojskog kantona prilikom utvrđivanja visine komunalne naknade.

Odredbama člana 30. Zakona, propisano je da vrijednost boda komunalne naknade utvrđuje Općinsko vijeće na osnovu programa finansiranja komunalne djelatnosti, a da se vrijednost boda komunalne naknade utvrđuje posebnom Odlukom najkasnije do 31.decembra tekuće godine za narednu godinu, a ako se vrijednost boda komunalne naknade ne utvrdi u propisanom roku, visina komunalne naknade ostaje nepromijenjena.

Iz citiranih odredaba Zakona o komunalnim djelatnostima proizilazi da Općinska vijeća svojim odlukama utvrđuju visinu vrijednosti boda koji bitno utiče na visinu komunalne naknade koja se izračunava primjenom tabele iz člana 27. Zakona, tako da su navodi iz Inicijative neosnovani jer je općinskim vijećima ostavljena mogućnost da svojim odlukama utiču na finansijska opterećenja obveznika komunalne naknade.

Općine Zenica je tokom 2013.godine pokretala Inicijativu sličnog sadržaja za izmjenu Zakona o komunalnim djelatnostima koja nije prihvaćena od strane Vlade i Skupštine Zeničko-dobojskog kantona.

S poštovanjem.

MINISTAR

Fahrudin Brkić

Dostavljeno:
1 x Naslovu
1x a/a